

二經同卷

太微仙君功過格
太清五十八頌文

而士

太微仙君功過格序

易曰積善之家必餘慶積不善之家必餘殃道科曰積善則降之以祥造惡則責之以禍故儒道之教一無異也古者聖人君子高道之士皆著盟誡內則洗心鑠行外則訓誨於人以備功業矣余於大定辛卯之歲仲春二日子正之時夢遊紫府朝禮太微仙君得受功過之格令傳信心之士忽然夢覺遂思功過條目歷歷明了尋乃披衣正坐然而思之知是高山降靈不較疎慢遂整衣戴冠滌硯揮硯走筆書之不時而就皆出乎無思非干於用意著斯功格三十六條過律三十九條各分四門以明功過之數付修真之士明書日月自記功過一月一小比一年一大比自知功過多寡與上天真司考校之數昭

然相契志無異焉夫凡一日之終書功下筆乃易書過下筆的難即使聰明之士明然頓悟罪福因緣善惡門戶知之減半慎之全無依此行持遠惡遷善誠為真誠去仙不遠矣西山會真堂無憂軒又玄子序

正一天師清微弟子 洪百堅 製作
道教學術資訊網站

太微仙君功過格

功格三十六條

救濟門 十二條 教典門 七條

焚修門 五條 用事門 十二條

過律三十九條

不仁門 十五條 不善門 八條

不義門 十條 不軌門 六條

凡受持之道常於寢室床首置筆硯簿籍先書月分次書日數於日下開功過兩行至臨卧之時記終日所為善惡照此功過格內名色數目有善則功下注有惡則過下注之不得明功隱過至月終計功過之總數功過相比或以過除功或以功折過折除之外者明見功過之數當書總記訖再書後月至一年則大比自知罪福不必問乎休咎

功格三十六條

救濟門 十二條

以符法針藥救重疾一人為十功小疾一人為五功如受病家賄賂則無功治邪一同凡行治一度為一功施藥一服為一功

傳一符一法一方一術令人積行救人每一術為十功如受賄而傳或令人受賄則並無功

傳人保蓋性命符法藥術等每一事為五功如受賄而傳為一功

救一人刑死性命為百功免死刑性命一人為百功減死刑性命一人為五十功救人徒刑為四十功免人徒刑為三十功減人徒刑為二十功救人杖刑為十功免人杖刑為八功減人杖刑為六功救人笞刑為五功免人笞刑為四功減人笞刑為三功

力救之是也免謂自己主事與免者是也如依法定罪則無功如私家滅免婢僕之屬同此論功

救有力報人之畜一命為十功謂地獄牛馬救無力報人之畜一命為八功謂山野禽蟲

蟻飛蛾燕生之類一命為一功

賑濟饑寒孤獨窮民百錢為一功貫錢為十功如一錢散施積至百錢為一功米麥帛帛衣物以錢數論功饒潤窮民債負亦同此論

濟饑渴之民一飲一食皆為一功

濟寒凍之民暖室一宵為一功

救接人畜筋力疲困之苦一時為一功葬無主之骨一人為五十功施地與無土之家葬一人為三十功若令出傭租課則無功埋藏自死者走獸飛禽六畜等一命為一功

若埋藏禽獸六畜骨殖及十六斤為一功

手理道途險阻及泥水陪設之所一日一人之功為十功若造船橋濟渡不取賄賂者所費百錢為一功一日一人之功為十功

自己受救人法錄經教一宗為二十功受保護自身法錄經教一宗為十五功

於高士處求救人法錄經教一宗為八功求保護自身法錄經教一宗為四功

傳受行法官一人為百功度錄生弟子一人為五十功度受戒弟子一人為三十功

以救眾經法付人為五功保養性命經法付人為四功演道經論付人為三功

自己注撰救眾經法一宗為三十功保養性命經法一宗為二十功謂得功讚道之文一

篇為一功謂得功若誅無教化者則無功

自己簡編救眾經法一宗為十功保養性命經法一宗為五功讚道之文一篇為一功

雕造經教所費百錢為一功貫錢為十功印造散施與人小經一卷為十功謂得功大經一卷為二十功謂得功並謂上聖正典有教化者非談論與亡勝敗之書及諷風月之文

焚修門五條修聖像埋宇幢蓋幡花器血床坐及諸供養之物費百錢為一功貫錢為十功如施與人錢物修置百錢為半功貫錢為五功或以什物一件為一功

旦夕朝禮為國為眾焚修一朝為二功為己焚修一朝為一功

章醮為國為民為祖先為孤魂為尊親祈禳災害薦後沉魂一分為二功為己一分為一功為施主一分為一功若受法信則無功

為無告孤魂告行枝亡符命一符為十功租先尊親一亡為十功為平交親知及早切一亡為五功為施主一亡為四功若受法信則

亡為五功為施主一亡為四功若受法信則

無功

為國為民或尊親先亡或無主孤魂誦大經一卷為六功小經一卷為三功聖號百遍為三功為平交親知及卑切誦大經為四功小經聖號為二功為施主誦大經一卷為三功小經聖號為一功若受法信則無功為已讓謝誦大經一卷為二功小經聖號為一功

用事門十二條

興諸善事利益一人為一功

講演經教及諸善言化諭於眾在席十人為一功百人為十功人數雖多止五十功

以文章詩詞誠勸於眾一篇為一功

化人出財修諸功德一貫為一功

勸人官門開訟免死刑為十功免徒刑為五功免杖刑為二功免官刑為一功

勸諫人聞爭一人為一功

舉薦高明賢達有德之士用事一人為十功

讚揚人之善道一事為一功

掩過人之惡業一事為一功

勸諫人今不為非不廢不孝不貞不良不尊

不慈不仁不義一人迴心為十功

自已著紙衣一件為二功著布素履袖之衣一件為一功謂有而不著統帛者無功

自己飲饌有而不食者為三功晚而不食者為二功素食下味為一功素食中味為半功

素食上味為無功謂有上味及素饌佳節而中下之味者為功若無上味而食中下之味者非為功若無中味而食下味者亦非為功食者為功

遇律三十九條

不仁門十五條

凡有重疾告治不為拯救者一人為二過小疾一人為一過治不如法為一過不愈而受

賄百錢為一過貫錢為十過

修合毒藥欲害於人為十過害人性命為百過害人不死而病為五十過害一切眾生禽畜性命為十過害而不死為五過舉意欲害為一過

學厭穢呪咀邪法欲害於人為十過害人性命為百過害人不死而病為五十過害人六畜一命為十過令病為五過舉意欲害為一

過厭穢人家今見怪異欲取財賄為十過得財百錢為一過貫錢為十過

謀人死刑成者為百過不成為五十過舉意不作為十過謀人徒刑成者為四十過不成為二十過舉意不作為八過謀人杖刑為十

過不成為八過舉意為五過謀人笞刑為三過不成為四過舉意為三過凡為官吏入人罪者同此論為行法官妄入鬼神罪者亦同此論

心中暗舉惡事欲殘害於人一人為一過事

成殘害一人為十過心意中邪淫雜想非理之事一事為一過

凡言舉惡事欲殘害於人一人為一過事成為十過惡語向師長尊親為十過向善人為八過向平交為四過向卑切為一過言約失信為一過揚人惡事為一過掩人善事為一過

故傷殺人性命為百過誤傷殺性命為八十過以言遽殺者同使人殺者為六十過

故殺有力報人之畜一命為十過誤殺為五

過故救無力報人之畜飛禽走獸之類一命為八過誤殺為四過故救蟲蟻飛蛾濕生之屬一命為二過誤殺為一過故救傷人害物者惡獸毒蟲為一過謂虎狼蛇蝎使人教者同上論

見教不救隨本人之過減半無門可救不生慈念為二過助讚教生為五過

見若救得而不救者為十過無門可救不生慈念者為一過

見人有憂不行解釋而故暢快者為五過

見人畜死不起慈念者為一過凡言慈念者得教止以持念聖號經文觀向以持善緣也

役使人畜至於疲乏力倦不矜其苦而剛使役者一時為十過加之鞭笞者一杖為一過用水陪溺路徑使人畜出入行履艱難者一時為十過

摧毀船橋使不通渡者一時為十過

不善門八條

毀壞功德聖像壇宇幢蓋幡花器血床具及諸獻供之物百錢之直為一過貫錢之直為

十過以巧言說人毀壞百錢之直為半過貫錢之直為五過見而不觀為一過讚助為五過

以言指斥毀天專聖像為二十過真人為十五過神君為十過見毀滅不勸為一過讚助

毀滅為五過毀滅經教與此同論

每過齋日及諸節令吉辰故不朝真為二過

因私務不及并非齋日為一過因公務不及無過為食酒肉葷辛及犯觸不朝真為五過

忘日誤朝真為一過

過節辰食晚食為二過常日晚食為一過

齋醮供聖鎮信之物一物不備為一過章詞一字差錯為一過誤違科律格式一事為一過

過威儀有失一事為一過唱念不專為一過宣科讀狀奏對詞表差錯一字為一過三時朝真一時有失為五過供養進獻之物一物不備為一過一物不潔為一過及不如法為一過

應受施主法信錢物非理使用百錢為一過貫錢為十過

應受施主法信錢物非理使用百錢為一過貫錢為十過

寫符簡文字等一字差錯為一過脫漏一字為一過符文差錯脫漏為十過修寫書象不如法為五過

誦念經典滿一字為一過漏一句為五過音釋乖背字音交差一字為一過念誦語句錯

亂有失文意一句為五過若念誦之時心意不專為五過邪淫雜想及忌惡事為十過住

經語惡事訖續念經為十過語常事為五過接陪賓侶為三過語善事為一過不依誦經法式為五過念經發嗔怒為十過凌辱他人

為十過凡言十過其功全無並是虛念但一過過去功一分十過去功十分所以不一也

不義門十條

教唆人官門闢訟死刑為三十過徒刑為二十過杖罪為十過答罪為八過

教唆人鬪爭一人為一過

教人為不廉不孝不義不仁不善不慈為非作過一事為一過

見賢不薦為一過見賢不師為一過見明師不參授與教為二過不依師之教旨

兩上

八

兩上

九

為十過反叛師長為五十過違師教公為三十過專長父母同此論

良朋勝友不交設為一過

窮民不濟為一過復加凌辱一人為三過

偷盜人財物或教人偷盜百錢為一過貫錢

為十過若見偷盜不動為一過讚助偷盜為

五過米麥幣帛衣服並論錢數定過

不義而取人財物百錢為一過貫錢為十過

欠人財物抵諱不還百錢為一過貫錢為十

過因而謀害其過加陪

不軌門六條

傳教法隱真出偽欺罔弟子一事為五過如

受法信百錢為一過得人不得為一過傳非

其人為十過

注撰煙粉傳記詩詞歌行一篇為二過傳與

一人為二過簡編一篇為一過傳與一人為

一過自己記念一篇為一過

食肉故殺性命食之為六過買肉食之為三

過違禁肉故食為六過誤食為三過過齋日

食之為十過食後入壇念善為十過

飲酒為詳議惡事與人飲一升為六過無故

與不良人飲一升為二過無故與常人飲一

升為一過助婢權飲一升為十過為和合事

理與友人飲祭酒待賓服藥皆不坐過齋日

飲致醉或酒後入壇念善為五過

五辛無故食之一食為一過食後持念經一

大卷為十過一小經為五過一聖號為一過

齋日食之為五過

受觸極親為五十過近親為三十過遠親為

二十過良家為十五過受觸之後入壇念道

朝真禮聖及齋日犯觸隨儀每一過為五過

太極仙君功過格終

太清五十八願文

若見居家妻子當願一切早出愛欲攝意奉

戒若見飲酒當願一切制於命門以遠禍亂

若見姝女當願一切守情忍色志慕在賢若

見婢人當願一切除棄邪念翹心禁戒若見

婦人當願一切忍割浮華樂道自然若見真

人當願一切履信正化日入法門若見眾人

當願一切推仁無爭懷道安世若見善人當

願一切時尅存念仰軌其道若見惡人當願

一切棄凶即吉不犯王法若見貧人當願一

切損身施惠後受大福若見富人當願一切

救濟萬物世世受祿若見貴人當願一切承

其教旨悉合典訓若見賤人當願一切勤修

匪懈各得所為若見

帝王當願一切奉仰王道孝如父母若見主

相當願一切受其教制四方歸仁若見兵甲

當願一切各念仁心天下讓賢若見王子當

願一切日歌太平系國承家若見賢人當願

一切履行其德道為世宗若見道士賢士當

願一切明解法度得道登真若見山棲道士